

Broj: 01-05- /17  
Nadnevak, 05.06.2017.godine

## ZAPISNIK

sa 5. sjednice V saziva Općinskog vijeća općine Gornji Vakuf – Uskoplje, održane 18. svibnja 2017. godine u Velikoj sali općine Gornji Vakuf - Uskoplje, sa početkom u 10<sup>00</sup> sati.

Sjednici su prisustvovali izabrani vijećnici Općinskog vijeća, Općinski načelnik Sead Čaušević, tajnik općine Senad Prijić, Pomoćnici načelnika – Nikola Milić, Osman Sofić, Branko Šain, Suad Šišić, Branko Matijanić, ovlaštenu predstavnik Hrvatske liste Dražen Matišić, predsjednik OO SDP Edin Gekić, stručni suradnik za proračun Omer Ljubunčić, Općinsko javno Pravobraniteljstvo Bugojno Amela Abdalajbegović, Zavod za zapošljavanje Amir Filipović, ravnatelj JKP „VIK“ Igor Blažević, ravnatelj JKP „Radovina“ Nahid Šehić, predsjednik stručnog povjerenstva za izradu Plana korištenja javnih površina Husein Fale.

Tajnik općine Senad Prijić, je izvršio prozivku nazočnih vijećnika, tako da su na sjednici bila nazočna 22 vijećnika i to: Dževad Idrizović, Adnan Ramić, Ramiz Manjgo, Amra Brzika, Haris Petrović, Merhila Čaušević, Maid Gafić, Alena Demirović-Spahić, Muris Pidro ( izašao ranije sa sjednice u 12<sup>40</sup> ), Dijamin Hadžiahmetović - SDA, Josip Herceg, Ana Novaković, Goran Batinić, Danijela Jurina, Marinko Krajina, Ivo Posavac, Ivica Žuljević, Berislav Elez– vijećnici Hrvatske liste HDZ BiH, HDZ 1990, HSP BiH i HSS Stjepan Radić, Naser Karamustafić, Kadir Kičin– SDP, Sabahudin Puljarga -SBB, Šeherzada Dedić - DF

Izočan je bio vijećnik Marin Novaković -HL

Sjednicu je otvorio predsjednik Općinskog vijeća Gornji Vakuf – Uskoplje Goran Batinić, koji je pozdravio nazočne vijećnike i predložio je na usvajanje sljedeći

### DNEVNI RED:

1. Vijećnička pitanja
2. Usvajanje Zapisnika sa 4. sjednice Općinskog vijeća Gornji Vakuf-Uskoplje
3. Izvješće o radu Općinskog javnog pravobraniteljstva Bugojno za 2016.godine
4. Informacija o radu Ispostave Zavoda za zapošljavanje Gornji Vakuf-Uskoplje za 2016.godinu
5. Izvješće o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu
6. Izvješće o radu JKP «Radovina»d.o.o. Gornji Vakuf-Uskoplje za 2016.godinu i Plan rada za 2017.godinu
7. Izvješće o izvršenju proračuna Općine Gornji Vakuf-Uskoplje za razdoblje od 01.01. do 31.03.2017.godine
8. Prijedlog Plana korištenja javnih površina na području Općine Gornji Vakuf-Uskoplje – hitni postupak
9. Prijedlog akata Imovinsko pravne službe;
  - a) Prijedlog Odluke o prodaji nekretnina označenih kao k.č. 1493/23 i k.č. 1493/24, K.O.-S.P Gornji Vakuf
  - b) Prijedlog Odluke o utvrđivanju javnog interesa za potpunu eksproprijaciju dijela nekretnina označenih kao k.č. 1792/1 i 1792/2, K.O.-S.P. Gornji Vakuf

Diskusije:

G. Batinić -predsjednik OV-a

- Prije samog izjašnjavanja o dnevnom redu današnje sjednice, pošto imamo točku koja je predložena da ide po hitnom postupku, želim kazati da u članku 124. Poslovnika o radu Općinskog vijeća Gornji Vakuf-Uskoplje stoji;... *Da u prijedlogu za donošenje Odluke ili Općeg akta po hitnom postupku Vijeće odlučuje kao o prethodnom pitanju u toku rasprave o dnevnom redu.* Dakle nakon eventualnih prijedloga dopune dnevnog reda izjasnit ćemo se o tome da li prihvaćamo prijedlog za donošenje akta po hitnom postupku a nakon toga ćemo glasati o cjelokupnom dnevnom redu.
- Otvaram raspravu po predloženom dnevnom redu

N. Karamustafić -ispred kluba SDP-a

- Ispred kluba SDP-a predlažemo 10. točku dnevnog reda pod nazivom; *Zabrana kretanja motornim vozilima od 19 do 23 sata u vremenskom razdoblju od 01.07. do 01.09. 2017. godine u ulici „Gradska”, od fontane do Džamije Mehmed bega Stočanina*
- *Predlažemo 11. točku dnevnog reda pod nazivom; Informacija o presudi Kantonalnog suda u Sarajevu, o izdavanju okolinske dozvole investitora Regionalni centar za upravljanje otpadom.*

G. Batinić -predsjednik OV-a

- Dajem stanku od 10 minuta

( *Stanka od 10<sup>05</sup>-10<sup>15</sup>* )

G. Batinić -predsjednik OV-a

- Dajem na glasanje prijedlog N. Karamustafića za 10. točku dnevnog reda; *Zabrana kretanja motornim vozilima od 19 do 23 sata u vremenskom razdoblju od 01.07. do 01.09. 2017. godine u ulici „Gradska”, od fontane do Džamije Mehmed bega Stočanina*

*Prijedlog N. Karamustafića za 10. točku dnevnog reda; Zabrana kretanja motornim vozilima od 19 do 23 sata u vremenskom razdoblju od 01.07. do 01.09. 2017. godine u ulici „Gradska”, od fontane do Džamije Mehmed bega Stočanina nije usvojen ( 3 „za”, 19 „suzdržano”, 0 „protiv” )*

G. Batinić -predsjednik OV-a

- Dajem na glasanje prijedlog N. Karamustafića za 11. točku dnevnog reda; *Informacija o presudi Kantonalnog suda u Sarajevu, o izdavanju okolinske dozvole investitora Regionalni centar za upravljanje otpadom.*

*Prijedlog N. Karamustafić za 11. točku dnevnog reda; Informacija o presudi Kantonalnog suda u Sarajevu, o izdavanju okolinske dozvole investitora Regionalni centar za upravljanje otpadom nije usvojen ( 3 „za”, 19 „suzdržano”, 0 „protiv” )*

H. Fale -predsjednik stručnog povjerenstva

- Dao je kratko obrazloženje u svezi prijedloga Plana korištenja javnih površina na području Općine Gornji Vakuf-Uskoplje – hitni postupak

G. Batinić -predsjednik OV-a

- Dajem na glasanje da se prijedlog Plana korištenja javnih površina na području Općine Gornji Vakuf-Uskoplje unese u dnevni red po hitnom postupku

*Prijedlog da se u dnevni red unese prijedlog Plana korištenja javnih površina na području Općine Gornji Vakuf-Uskoplje po hitnom postupku usvojen sa većinom glasova ( 19 «za», 3 „vijećnika se nisu izjasnila” )*

*Predloženi Dnevni red usvojen sa ( 19 «za», 3 „vijećnika se nisu izjasnila” )*

**Ad. 1.**

**Odgovori na Vijećnička pitanja**

Šeherzada Dedić - DF

- Zadovoljna odgovorima

Marinko Krajina – HDZ BiH

- Zadovoljan odgovorom

Ivo Posavac - HDZ BiH

- Zadovoljan odgovorom

Muris Pidro - SDA

- Zadovoljan odgovorom

Naser Karamustafić – SDP

- Na moje pitanje; *Šta se misli i šta se planira uraditi sa gradskim parkom , da li će doći do pomijeranja granica parka i da li će doći do uništavanja drveća i biljnog svijeta*, dobio sam odgovor da će to utvrditi neka stručna osoba. Nisam zadovoljan odgovorom i postaviti ću novo pitanje u svezi ovoga.

Kadir Kičin – SDP BiH

- Nisam zadovoljan odgovorima koje sam dobio na postavljena pitanja;
- *Prema informacijama Fena-e, Ministarstvo poljoprivrede , vodoprivrede i šumarstva KSB planira izgradnju dvije nove mini Hidroelektrane na području općine Gornji Vakuf-Uskoplje. Interesira me , koja je lokacija budućih mini Hidroelektrana ? Tko su investitori ? Kada počinju radovi na istim ? Do sada nisam dobio odgovor na ovo pitanje.*
- *Molim vas da mi dostavite Bankovna izvješća svih javnih ustanova Općine Gornji Vakuf-Uskoplje !*

*U službenom glasniku općine Gornji Vakuf-Uskoplje izdat 27.02.2017.godine , u Odluci o restrukturiranju novčanih sredstava , stoji prijenos sa ek. koda 821 211 nabavka zgrada, iznos od 15.000,00 KM na ek. kod 821 621- investiciono održavanje zemljišta – industrijska zona.*

*Dok gospodin Načelnik u zapisniku kaže da na ek. kod 821 621 mogu samo pristići sredstva iz Kantonalnog Ministarstva privrede i Federalnog Ministarstvo obrta i poduzetništva.*

*Kako je to moguće i zašto je došlo do ovog prijenosa ?*

- Želim da kažem da je napravljena povreda Poslovnika o radu općinskog vijeća, članak 61., materijale za ovu sjednicu sam dobio tri dana prije održavanja sjednice (ponedjeljak)

G. Batinić -predsjednik OV-a

- Uvažavamo primjedbu, potruditi ćemo se da se takve stvari više ne dešavaju.

Sabahudin Puljarga - SBB

- Nisam zadovoljan odgovorom koji sam dobio u vezi ulične rasvjete za ulicu Srebreničkih žrtava kod ulaza u Elektrodistribuciju EP BiH i ulicu Mehmed bega Stočanina kod cafea ABC. U odgovoru se navodi da se planira rekonstrukcija kompletne ulične rasvjete-postavljanje „led svjetiljki“, kaže se da su u tim ulicama pokidane elektro instalacije. Ove svjetiljke godinama ne rade a svake godine se planiraju sredstva za održavanje javne rasvjete. Zar treba čekati još par godina da se popravi.

Berislav Elez - HSP BiH

- Općenito nisam zadovoljan odgovorima na vijećnička pitanja, kako odgovorima na svoja pitanja tako i odgovorima koje dobiju moje kolege vijećnici
- Svrha postavljanja vijećničkih pitanja je da se ukaže na određeni problem i da se on pokuša riješiti.
- Mene uvijek po postavljenom vijećničkom pitanju interesira da li je se pokušalo išta napraviti po pitanju problema koji se navodi u vijećničkom pitanju
- Mi dobivamo takve odgovore da se pravdaju određene nepravilnosti, određene pogreške, nečiji rad ili nerad, a ne da se pokuša otkloniti neki nedostatak ili nepravilnost koja je ukazana tim vijećničkim pitanjem.
- Pitanje koje sam postavio na prošloj sjednici, je pitanje koje sam postavio i postavljam u ime većeg broja građana u svezi problema sa kojima se građani susreću svakodnevno sa administracijom u Općini Gornji Vakuf-Uskoplje.
- Općinska administracija, odnosno državni službenici i namještenici nisu tu radi sebe, nego trebaju biti na usluzi građanima da što jednostavnije rješavaju probleme zbog kojih se

obraćaju. Uz malo fleksibilnosti i ljubaznosti općinska administracija može da bude servis građana u pravom smislu riječi.

### **Nova vijećnička pitanja:**

Dedić Šeherzada - DF

1. Molim odgovore na nekoliko pitanja u vezi sa sportskom dvoranom.
2. Kada će biti u funkciji i pristupačna korisnicima ?
3. Zašto je dvorana otvorena da bi se zatvorila ?
4. Zašto dvorana nije spremna za korištenje i zašto ima niz nedostataka ?
5. Kakav je plan gazdovanja po pitanju korištenja i održivosti objekta ?

Naser Karamustafić – SDP

1. Tko je stručna osoba i koliko je kompetentna da odluči u ime građana Gornjeg Vakufa – Uskoplja i njihove djece o sječi stogodišnjih stabala u parku ?
2. Po kojem statutu, ko je osnivač, upravni odbor, kome se podnosi izvješće i koliko je sredstava potrošeno u Regionalnom centru za upravljanje otpadom ?

Kadir Kičin - SDP BiH

1. Da li je upućen prijedlog Vladi SBK za asfaltiranje magistralnog puta Bistrička Rika, tj. na relaciji Gornji Vakuf-Uskoplje – Novi Travnik ?
2. Zašto se nisu izgradili sportsko-rekreativni tereni ( stadioni ) u MZ-a Grnici i Dražev Docu?
3. U kojem vremenskom razdoblju su planirani radovi na istim ; te kada će doći do realizacije projekta izgradnje i asfaltiranja nogostupa na relaciji Dražev Dolac - Pajić Polje ?
4. Zašto su obustavljeni radovi na asfaltiranju u naselju Kućice , kada su planirani finalni radovi u gore navedenom naselju ?
5. Da li će Općina išta poduzeti sa divljim odlagalištima na lokalitetima Boljkovac i Voljevac (prema mjestu Zastinje ) ?

Hrvatska lista

1. Kad će se početi rješavati problemi pasa lualica na području općine Gornji Vakuf-Uskoplje , s naglaskom na MZ Krupa – Batuša ?
2. Što se radi na magistralnom putu R 439 na izlazu iz Gornjeg Vakufa – Uskoplja , preko puta groblja . Naime svakodnevno se stvaraju gužve na tom lokalitetu , stvara se blato na pješačkoj stazi. Uklapaju li se navedeni radovi u regulacioni plan ?
3. Što se gradi iza Doma zdravlja i da li je to u skladu s važećom prostorno-planskom dokumentacijom odnosno regulacionim planom na tom području ?
4. Zašto se do sada ništa nije poduzelo na uklanjanju grafita na objektima Doma zdravlja , te što misli ravnatelj Doma zdravlja poduzeti po ovom pitanju ?

### **Usmeni odgovori na vijećnička pitanja:**

Nije bilo usmenih odgovora na 5. sjednici Općinskog vijeća Gornji Vakuf-Uskoplje

#### **Ad. 2.**

### **Usvajanje Zapisnika sa 4.sjednice Općinskog vijeća**

Diskusije:-

*Zapisnik sa 4.sjednice Općinskog vijeća usvojen sa većinom glasova ( 19 «za», 3 „vijećnika se nisu izjasnila" )*

#### **Ad. 3.**

### **Izvešće o radu Općinskog javnog pravobraniteljstva Bugojno za 2016.godine**

A. Abdalajbegović -ispred izvjestioca

- Dala je kratko objašnjenje Izvješća o radu Općinskog javnog pravobraniteljstva Bugojno za 2016.godine

Diskusije:-

G. Batinić -predsjednik OV-a

- Dajem na usvajanje Zaključak o Izvješću o radu Općinskog javnog pravobraniteljstva Bugojno za 2016.godine: *Prihvata se Izvješće o radu Općinskog javnog pravobraniteljstva Bugojno za razdoblje od 01.01. do 31.12.2016.godinu*

*Zaključak o Izvješću o radu Općinskog pravobraniteljstva Bugojno za 2016.godine usvojen sa većinom glasova ( 19 «za» , 3 „vijećnika se nisu izjasnila“)*

#### **Ad. 4.**

### **Informacija o radu Ispostave Zavoda za zapošljavanje Gornji Vakuf-Uskoplje za 2016.godinu**

A. Filipović -VD šefa za zapošljavanje

- Dao je kratko obrazloženje Informacije o radu Ispostave Zavoda za zapošljavanje Gornji Vakuf-Uskoplje za 2016.godinu

Diskusije:

K. Kičin SDP

- Želim navesti par nelogičnosti u ovoj Informaciji o radu Ispostave Zavoda za zapošljavanje Gornji Vakuf-Uskoplje za 2016.godinu;
- Služba za zapošljavanje navodi dobru suradnju sa obrazovnim ustanovama radi usklađivanja obrazovnih programa sa kadrovskim potrebama. U pregledu pojedinih zanimanja imaju suficit gimnazijalaca, ekonomista, automehaničara, trgovaca i bravara. Ne vidim kakva je tu suradnja.
- U Informaciji se spominje donošenje programa mjera za brže zapošljavanje. Volio bih dočekati dan da se neko zaposli preko zavoda za zapošljavanje, do sada se to nije desilo.
- Ne znam na što se misli kada se u zaključku kaže da se želi zadržati postojeće stanje nezaposlenosti.

R. Manjgo -SDA

- Interesira me koji je osnov, koji je zakon u pitanju da osoba koja se nalazi na evidenciji zavoda nema pravo na zdravstveno osiguranje.

M. Gafić - SDA

- Na strani 3. stoji da po vašem saznanju u 2016. godini 105 ljudi radi na „crno“. Interesira me kako Vi znate za te ljude i što ste poduzeli po tom pitanju
- Na zadnjoj strani u zaključcima stoji da ćete zadržati pravo na zdravstvenu zaštitu ispod 40%, zašto ćete zadržati 40% ako može ići na 60%, ako je potrebno ljudima. Koji su to kriteriji da neko ko se nalazi na evidenciji zavoda ostvari pravo na zdravstveno osiguranje preko zavoda.

S. Puljarga -SBB

- Interesira me da li može biti deficitarno zanimanje „vozač“ ako ih na evidenciji imamo 43. Po meni su deficitarna ona zanimanja kada poslodavac iskaže potrebu za istim a njih nema na evidenciji zavoda.

A. Filipović -VD šefa za zapošljavanje

- Svake godine obilazimo završne razrede u Osnovnim i Srednjim školama i u razgovoru sa učenicima im sugeriramo što bi trebali upisati a što ne bi trebalo da upisuju. Objašnjavamo im koja su to suficitarna zanimanja a isto tako i koja su to deficitarna zanimanja.
- Uloga zavoda za zapošljavanje je posredovanje pri zapošljavanju. Mi direktno ne utičemo

na zapošljavanje. Zavod može  
poticaja za zapošljavanje

zapošljavati samo putem federalnog

- Što se tiče zaključka da se „održati“ broj nezaposlenih, nama je cilj da se ne poveća broj nezaposlenih, želimo bar zadržati postojeći nivo nezaposlenosti. 2016. godina je prva godina da imamo broj nezaposlenih ispod 3 hiljade.
- Svaka osoba koja dolazi na evidenciju zavoda za zapošljavanje prvi put dobije Rješenje o pravu ili odbijanju na zdravstvenu zaštitu. U tom Rješenju stoji da li osoba ima ili nema pravo na zdravstvenu zaštitu.
- Broj osoba koje rade na „crno“ je paušalan broj. Mi ne možemo imati točan broj ljudi koji rade na „crno“. Svaki mjesec dobijemo izvješće inspeksijske službe o broju ljudi koji rade na „crno“, tj. onih koje su otkrili.

R. Manjgo -replika

- Pitao sam da li se zakon promijenio, da li se radi išta na tome na razini Kantona po tom pitanju.

M. Krajina -zamjenik ravnatelja kantonalnog zavoda za zapošljavanje

- Postoji Federalni zakon o posredovanju zapošljavanja i socijalnoj sigurnosti nezaposlenih osoba. On definiše tko ima pravo na novčanu naknadu i tko ima pravo na zdravstvenu zaštitu.
- Prošle sedmice je na Zavod za zapošljavanje došao zahtjev za posredovanje u zapošljavanju od firme „TOM“ za 53 radnika koja se nalaze na evidenciji službe
- Zavod za zapošljavanje nije ni poslodavac ni privrednik koji odmah vrši zapošljavanje, uloga službe je da posreduje između poslodavca i osoba koje su nezaposlene a nalaze se na evidenciji službe

N. Karamustafić -SDP

- Interesira me ko će odlučivati pri zapošljavanju osoba raznih zanimanja, da li će to raditi poslodavac ili će to raditi zavod za zapošljavanje.

M. Pidro -SDA

- Zašto se blokira prijava na natječaj koji je došao od strane Federalnog zavoda za zapošljavanje, stoji da je rok za prijavu 30 dana a osoba se nije mogla prijaviti iako je ostalo do isteka tog roka nekih 20 dana.

M. Krajina -odgovor

- Ovo je tačno što je rekao M. Pidro , bila je on-lajn prijava, javni poziv je bio otvoren 08.05.2017. godine. Poziv je bio otvoren do utroška sredstava, to se radi preko softvera i on automatski ne dozvoljava prijave poslije utroška predviđenih sredstava. Ima dosta primjedbi od strane poslodavaca na ovakav način rada softvera, nažalost on će kao takav ostati do kraja ove godine.

G. Batinić -predsjednik OV-a

- Dajem na usvajanje sljedeći Zaključak o Informaciji o radu Ispostave Zavoda za zapošljavanje Gornji Vakuf-Uskoplje za 2016.godinu: *Prihvata se Informacija o radu Ispostave Zavoda za zapošljavanje Gornji Vakuf-Uskoplje za 2016.godinu*

*Zaključak o Informaciji o radu Ispostave Zavoda za zapošljavanje Gornji Vakuf-Uskoplje za 2016. godinu usvojen sa većinom glasova ( 19 «za», 3 „vijećnika se nisu izjasnila“ )*

## **Ad. 5.**

### **Izvešće o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu**

I. Blažević -ravnatelj JKP „VIK“

- Dao je kratko obrazloženje Izvešća o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu

Diskusije:

M. Gafić - ispred povjerenstva za proračun i financije i ekonomska pitanja

- Povjerenstvo za proračun i financije je na svojoj sjednici održanoj 16.05.2017.godine razmatralo Izvješće o financijskom poslovanju JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu, povjerenstvo daje pozitivno mišljenje o financijskom poslovanju JKP «VIK» d.o.o. Gornji Vakuf-Uskoplje za 2016.godinu, te predlaže Općinskom vijeću da ga usvoji

M. Pidro -SDA

- Mještani iz ulice „Batuški lug“ (Pokvić-Barišić), su uputili dopis 2014. godine na adresu JKP „VIK“ u svezi zatovanja vode ali im se do danas nije odgovorilo. Također u svom dopisu navode da su se sami morali organizirati i uz pomoć Općinskog načelnika su sami kupili i postavili cijevi od 1 „cola“. Pitaju Vas, zašto JKP „VIK“ vrši priključke na vodovod ljudi koji imaju maline na taj dio vodovodne mreže, koju su oni sami kupili i postavili.

K. Kičin -SDP

- U biti i ja sam dobio tu molbu-apel iste grupe građana i kad je M. Pidro to iznio nema potrebe da ja to ponavljam
- Zašto se voda koju pijemo koristi za zalijevanje malina, odnosno poljoprivrednih kultura

Dž. Idrizović -SDA

- Mislim da je naplativost vode dobra
- Smatram da bi bazene na izvorštima trebalo ograditi na način kako to rade Telekom operateri, da to bude sigurno, lijepo i čisto
- Mislim da ne bi bilo loše imati pismeni zahtjev prilikom priključka novih korisnika na vodovodnu mrežu
- Smatram da bi sve vodovode koji su završeni na prostoru općine trebalo staviti u funkciju, pitam šta bi mi kao Općinsko vijeće trebali uraditi da se to što prije uradi
- Također bi nestašicu vode trebalo da osjete i podnesu svi građani naše općine ravnomjerno, do sada se dešavalo da pojedini dijelovi grada nemaju vode a drugi dijelovi je imaju i istu koriste za zalijevanje poljoprivrednih kultura

A. Ramić -SDA

- Mislim da se ovdje napravio određen pravni vakum po pitanju podnošenja Izvješća o radu JKP «VIK»d.o.o. Gornji Vakuf-Uskoplje za 2016.godinu. Mišljenja sam da je trebalo pozvati starog ravnatelja M. Mlakića da on podnese Izvješće o radu za 2016 godinu iz razloga što je bio ravnatelj JKP „VIK“. Možda bi dobro bilo da se povjerenstvo za Statut i propise očituje po ovom pitanju.

J. Herceg -ispred povjerenstva za Statut i propise

- Izvješće o radu JKP «VIK»d.o.o. Gornji Vakuf-Uskoplje za 2016.godinu može podnijeti bilo koja osoba koju ovlasti ravnatelj

S. Čaušević -Općinski načelnik

- Želim da kažem da sam bio direktno uključen u slučaj koji je spomenuo M. Pidro , moram da kažem da se ignoriraju ljudi od strane JKP „VIK“ kad je u pitanju snabdijevanje vodom. Oni su ovaj problem iznijeli ravnatelju a ravnatelj nije htio da čuje i da im pomogne da to riješe. Kada su zajedno sa općinskim načelnikom riješili taj problem, onda ravnatelj uzima sebi za pravo da na taj dio vodovoda priključi ljude koji su imali maline i kojima je ta voda trebala za zalijevanje. Mislim da to JKP „VIK“ nije trebalo raditi, smatram da bi ga trebalo isključiti sa tog priključka jer ta voda treba da se koristi za piće, za maline treba koristiti tehničku vodu i treba ga priključiti na istu ako hoće.
- Pod svaku cijenu treba sve ove novoizgrađene vodovode na općini staviti na upravljanje JKP „VIK“

J. Herceg -HL

- Problem nestašice vode nam se dešava svake godine, ove godine su predviđanja da će biti izraženiji
- Mene zabrinjava cjevovod naše vodovodne mreže, mi dajemo vodu iz rezervoara na analizu. Smatram da nije isto kad se uzme voda za analizu sa zahvata odnosno rezervoara

ili kada se uzme iz cijevi.

N. Karamustafić -SDP

- U više navrata sam govorio dok je ravnatelj bio M. Mlakić da poduzeće koje prodaje vodu ne može vršiti analizu vode. Voda za analizu se treba uzeti sa tri – četiri mjesta i kvalitetu i ocjenu koju dobijemo za vodu sa zadnjeg mjesta treba uzeti kao mjerodavnu

I. Blažević -ravnatelj

- Upoznat sam sa slučajem mještana iz ulice Batuški lug (Pokvić-Barišić), koji je iznio Pidro M., prihvaćam sugestiju i prijedlog Općinskog načelnika da se to rješi
- Imamo velike probleme sa malinarima. Ako Općinsko vijeće donese Odluku da se isključe svi malinari ja ću to uraditi, ali ćemo onda imati drugi efekt da će nam krasti vodu
- Možda bi kao najbolje rješenje bilo to da se uvedu „zonski vodomjeri“, da se mjeri dostava vode po zonama i da se nakon toga prilikom plaćanja utvrdi dali ima odstupanja od utrošene vode od one koja se je naplatila
- Slažem se sa prijedlogom Općinskog načelnika da nam se pomogne da se svi novoizgrađeni vodovodi stave na upravljanje JKP „VIK“
- Želja nam je da svi građani ravnomjerno imaju vodu na raspolaganju i da ne dolazi do nestašice vode

G. Batinić -predsjednik OV-a

- Dajem na usvajanje Zaključak o Izvješću o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu: *Prihvata se Izvješće o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu*

*Zaključak o Izvješću o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu usvojen sa većinom glasova ( 19 «za», 3 „vijećnika se nisu izjasnila" )*

## **Ad. 6.**

### **Izvješće o radu JKP «Radovina»d.o.o. Gornji Vakuf-Uskoplje za 2016.godinu i Plan rada za 2017.godinu**

N. Šehić -ravnatelj JKP „Radovina“

- Dao je kratko obrazloženje Izvješća o radu JKP «Radovina»d.o.o. Gornji Vakuf-Uskoplje za 2016.godinu i Plan rada za 2017.godinu

Diskusije:

M. Gafić - ispred povjerenstva za proračun i financije i ekonomska pitanja

- Povjerenstvo za proračun i financije je na svojoj sjednici održanoj 16.05.2017.godine razmatralo Izvješće o financijskom poslovanju JKP «Radovina» d.o.o. Gornji Vakuf-Uskoplje za 2016.godinu i Plan rada za 2017.godinu, povjerenstvo daje pozitivno mišljenje o financijskom poslovanju JKP «Radovina» d.o.o. Gornji Vakuf-Uskoplje za 2016.godinu i Plan rada za 2017.godinu, te predlaže Općinskom vijeću da ga usvoji

N. Karamustafić -SDP

- Shvaćam Vaše probleme ali imate li Vi kakav konkretan plan što uraditi. Da li da se vrši selekcija otpada ili nešto drugo.
- Osim povećanja cijena imate li neki drugi prijedlog da Vam se pomogne u odlaganju otpada
- Nije problem da se zakaže tematska sjednica općinskog vijeća ali za istu treba imati konkretan plan što uraditi

Dž. Idrizović -SDA

- Smatram da se odvoz smeća vrši redovno i da je veliki prostor općine obuhvaćen odvozom, kako urbani dio tako i prigradski dijelovi općine
- Slažem se da bi se trebala zakazati neka tematska sjednica na kojoj bi trebalo da se riješe aktualni problemi sa kojima se poduzeće susreće
- Interesira me zašto nemamo obilježena i natkrivena mjesta za kontejnere po gradu

M. Krajina -HL



- Svima nam je poznato sa kojim se problemima susreću u JKP „Radovina“, kao i situacije u kakvom je stanju aktualna deponija, svjesni smo da moramo rješavati taj problem
- Svjesni smo situacije oko Regionalne deponije i nema izgleda da se u budućnosti otvori Regionalna deponija
- Mislim da je vrijeme da napravimo jednu tematsku sjednicu na temu; „Zbrinjavanje otpada na općini Gornji Vakuf-Uskoplje“, nemamo više vremena za čekanje
- Interesira me koliko JKP „Radovina“ ima stvarnih korisnika
- Smatram da je 55 000,00 KM previše za ugovore o djelu, znamo da se po zakonu ne mogu angažirati radnici iz osnovne djelatnosti firme
- Ako je potrebno treba povećati broj zaposlenih ali se mora voditi računa o nacionalnoj strukturi zaposlenih u JKP „Radovina“

#### S. Puljarga -SBB

- Moramo razmišljati u pravcu da sortiramo otpad, bar u ovom gradskom dijelu da se postave kontejneri za tu namjenu
- Podržavam prijedlog da se zakaže tematska sjednica na ovu temu i također bi podržao prijedlog ravnatelja da svi obiđemo postojeću deponiju. Siguran sam da mnogi od nas ne znaju gdje je deponija i u kakvom je stanju

#### Herceg J.-HL

- Briga oko ova dva naša komunalna preduzeća nam je stalna obaveza, trebamo se boriti da što bolje funkcioniraju
- Svjesni smo problema koji nam predstavlja aktualna deponija, ali isto tako trebamo razmišljati i o čistoći naših ulica i grada u cjelini
- Moramo naći načina da naše ulice budu oprane, moramo iznaći sredstva da se bar jedanput mjesečno peru ulice

#### S. Čaušević -Općinski načelnik

- Trebamo vidjeti cijene odvoza smeća i u drugim gradovima, dali je cijena od 4,00 i 6,00 KM realna cijena.
- Sigurno da sa onim brojem radnika sa kojima raspolazete ne možete vršiti sakupljanje i deponiranje smeća
- Svake godine kupimo po dva duluma zemljišta za postojeću deponiju, svi ste svjesni u kakvom je ona stanju
- Prikupljanje i deponiranje otpada je problem koji se ne tiče samo naše općine, to je problem i Kantona i Federacije, mora se nešto napraviti
- Svaka ti čast za sve ono što uradiš sa ovim brojem ljudi da to sve stigneš. Za sve konstruktivne prijedloge imat ćeš podršku od mene isto što sam rekao i ravnatelju JKP „VIK“
- Nije nikakav problem da se sjedne i da se izbalansira broj zaposlenih po nacionalnoj strukturi u svakoj Javnoj ustanovi i svakom Javnom poduzeću

#### N. Karamustafić -SDP

- Mogu shvatiti Bošnjaci i Hrvati, ali što je sa ostalima, što je sa građanima. Nemojmo više da polemiziramo, hajde da napravimo nešto za ovu čaršiju da bi mogli djeci pogledati u oči i kazati ovo smo mi uradili dok smo bili u Općinskom vijeću.

#### M. Pidro -SDA

- Smatram da bi trebali otići na postojeću deponiju i vidjeti u kakvom je stanju. Mještanima Krupe i Bistrice je preko glave ove deponije. Bojim se da će nam ljudi oboliti i da ćemo imati zarazne bolesti.
- Slažem se sa prethodnim diskutantima da treba zakazati tematsku sjednicu i na istoj donijeti neki zaključak

#### R. Manjgo -SDA

- Ovaj problem je problem svih vijećnika i trebamo iznaći rješenje za deponiju otpada
- Moramo uz pomoć stručnih ljudi napraviti najkvalitetnije rješenje jer je krajnje vrijeme da se to uradi
- Divim se ravnatelju jer on pozitivno posluje, bori se, ova situacija oko deponije ide na dušu

nas vijećnika iz ranijeg saziva, moramo riješimo ovaj problem

svi zajedno da se uključimo i da

N. Šehić -odgovori

- Naravno da mi imamo konkretnih prijedloga što bi trebalo uraditi da se stanje popravi u vezi odlaganja otpada
- Smatramo da bi trebalo napraviti „sortirnicu“ za razdvajanje otpada, prije dvije godine sam tražio da nabavimo neku mini „sortirnicu“ koja bi koštala nekih 600 000,00 KM
- Postojeća deponija će se morati izmjestiti, ona je trebala biti sanirana do 2018 godine.
- Možemo još nekih šest mjeseci deponirati otpad a što onda. Postoji opasnost da ona u svakom momentu da eksplodira, mora se pod hitno rješavati ovaj problem
- Mjesta za kontejnere su određena samo što nisu još obilježena, to će se uraditi u narednom razdoblju
- Dobili smo kontejnere sa kojima bi mogli napraviti pet „eko otoka“, treba odrediti gdje bi se to moglo postaviti.
- Broj korisnika prelazi 4 200 a ova brojka u svezi naplate mislim da je točna

G. Batinić -predsjednik OV-a

- Predlažem stanku od deset minuta i pozivam predsjednike klubova na konsultacije

( *Stanka od 12<sup>25</sup> 13<sup>40</sup>* )

G. Batinić -predsjednik OV-a

- Dajem na usvajanje Zaključak o Izvješću o radu JKP «Radovina» d.o.o. Gornji Vakuf-Uskoplje za 2016.godinu i Plan rada za 2017.godinu: *Prihvata se Izvješće o radu JKP «Radovina» d.o.o. Gornji Vakuf-Uskoplje za 2016.godinu i Plan poslovanja za 2017.godinu*

*Zaključak o Izvješću o radu JKP «Radovina»d.o.o. Gornji Vakuf-Uskoplje za 2016.godinu i Plan rada za 2017.godinu usvojen sa većinom glasova ( 19 «za», 2 „vijećnika se nisu izjasnila" )*

## **Ad. 7.**

### **Izvješće o izvršenju proračuna općine Gornji Vakuf-Uskoplje za razdoblje od 01.01. do 31.12.2016.godine**

Milić N.-ispred izvjestioca

- Dao je kratko obrazloženje Izvješća o izvršenju proračuna općine Gornji Vakuf-Uskoplje za razdoblje od 01.01. do 31.03.2017.godine

Diskusije:

Gafić M.- ispred povjerenstva za proračun i financije i ekonomska pitanja

- Povjerenstvo za proračun i financije i ekonomska pitanja je na svojoj sjednici održanoj 16.05.2017.godine razmatralo Izvješće o izvršenju proračuna općine Gornji Vakuf-Uskoplje za razdoblje od 01.01. do 31.03.2017.godine, povjerenstvo daje pozitivno mišljenje na Izvješće o izvršenju proračuna općine Gornji Vakuf-Uskoplje za razdoblje od 01.01. do 31.03.2017.godine, te predlaže Općinskom vijeću da ga usvoji

G. Batinić -predsjednik OV-a

- Dajem na usvajanje Zaključak o Izvješću o izvršenju Proračuna Općine Gornji Vakuf-Uskoplje za razdoblje od 01.01.do 31.03.2017.godine Općinskog načelnika Općine Gornji Vakuf-Uskoplje: *Prihvata se Izvješće o izvršenju Proračuna Općine Gornji Vakuf-Uskoplje za razdoblje od 01.01.do 31.03.2017.godine*

*Zaključak o Izvješću o izvršenju proračuna Općine Gornji Vakuf-Uskoplje za razdoblje od 01.01. do*

## Ad. 8.

### Prijedlog Plana korištenja javnih površina na području Općine Gornji Vakuf-Uskoplje – hitni postupak

H. Fale -ispred predlagatelja

- Dao je kratko obrazloženje Prijedloga Plana korištenja javnih površina na području Općine Gornji Vakuf-Uskoplje – hitni postupak

Diskusije:

H. Petrović -ispred povjerenstva za prostorno planiranje, uređenje i ekologiju

- Povjerenstvo za Prostorno planiranje, uređenje i ekologiju je na svojoj prvoj sjednici održanoj 17.05. 2017. godine razmatralo prijedlog Plana korištenja javnih površina na području Općine Gornji Vakuf-Uskoplje, povjerenstvo daje pozitivno mišljenje na prijedlog Plan korištenja javnih površina na području Općine Gornji Vakuf-Uskoplje uz preporuku predlagaču da ugradi u Plan odredbu kojom bi trebalo da prostor koji ostaje za pješake, odnosno da udaljenost ograde ljetne bašte od ruba saobraćajnice ne može biti manja od 1,2 metra, te predlaže Općinskom vijeću da ga usvoji.

J. Herceg -ispred povjerenstva za Statut i propise

- Povjerenstvo za Statut i propise je na svojoj sjednici održanoj 17.05.2017. godine, razmatralo je Prijedlog Plana korištenja javnih površina na području Općine Gornji Vakuf-Uskoplje – hitni postupak, ima sljedeće primjedbe na ovaj Plan;
- Plan je trebao biti donesen u prvom mjesecu ove godine, na prvoj sjednici Općinskog vijeća
- Forma ovog akta nije pravno dobro složena. Preambula nije dobro sročena; stoji... *Općinski načelnik ...*, a treba da stoji; ...*Općinsko vijeće na prijedlog na svojoj sjednici, a treba stajati i broj protokola i datum kada se to donosi.*
- Članovi povjerenstva ne trebaju stajati poimenično u ovom prijedlogu Plana
- Trebalo je za svaku ulicu donijeti Plan u vezi slobodnih javnih površina, to treba biti decidno nacrtano ne smije biti šturo
- Na kraju ovog Plana stoji da je potpisnik Općinski načelnik, to nije tako, treba da stoji Predsjednik Općinskog vijeća

B. Elez -HL

- Smatram da je ovaj Plan pun manjkavosti, nisu razgraničene i nisu označene sve javne površine
- S obzirom da mi nemamo Odluku o naplati parkirališta i parkirnih mjesta ( parkirališta potpadaju pod javnu površinu), ovim Planom o korištenju javnih površina moglo bi se desiti da se neko parkirno mjesto dodijeliti nekome da postavi terasu, jer nije regulirano odlukom o parkiralištima
- S provođenjem ove odluke imat ćemo u nekim ulicama u jednom smjeru u potpunosti uzurpirane trotoare i oduzete pješacima

Dž. Idrizović -SDA

- Evidentno je da je Odluka puna nedostataka, neke stvari su šturo napisane i do kraja ne definirane
- Smatram da je uz ovaj Plan trebalo da ide i neka Odluka sa zonama na koji način će se to koristiti, sa cijenama i ostalim podacima
- Mislina da je ovaj Plan trebalo da bude puno ozbiljniji, sa detaljnim obrazloženjem na koji način će se koristiti neka javna površina, kriterijima i uvjetima kako je koristiti

H. Fale -ispred predlagatelja

- Moram da kažem da ovo nije nikakva Odluka, ovo je samo Plan korištenja javnih površina

- Zakon je propisao što je javna površina, kako se koristi , zbog čega se koristi i u koje namjene se koristi
- Ovim planom se definira samo ono što ćemo mi izdavati pod određenim uvjetima
- Smatram da je ovdje najvažnija grafika iz koje se može vidjeti što se može koristiti

Dž. Idrizović -replika

- Trotoari trebaju da služe za pješake a ne za terase, zna se što je namjena nogostupa, tako isto trotoar ispred crkve treba da koriste pješaci a ne ugostitelji
- Moje mišljenje je da i Plan treba da bude detaljan sa detaljnim obrazloženjem

J. Herceg -ispred povjerenstva za Statut i propise

- Povjerenstvo je donijela svoj stav na način da članak 7., stavak 2. Kantonalnog zakona kaže;...*na prijedlog Općinskog načelnika prihvaća Općinsko vijeće*
- Osim toga stoji da je Plan dokument koji se izlaže na stalni javni uvid u općinskoj službi za urbanizam, a kojim se određuju stručno-tehnički uvjeti određeni propisom iz stavka 1., članka 29. ovog zakona

Š. Dedić -DF

- Moja ulica nema nogostupa, nema ni zelene površine a u toj ulici se iznose stolovi i stolice iz kafića i tu se postavljaju, kao i vozila koja se tu parkiraju, kao i dostavna vozila „Konzuma“ i mi onda bukvalno nemamo kuda da prođemo do svojih kuća
- Isto tako ima dosta drugih ulica koje su natkrivene i pokrivene, koriste se kao terase u ljetnoj sezoni, interesira me tko to dozvoljava i tko to izdaje

N. Karamustafić -SDP

- Mislim da je ovdje problem ne s provođenja zakona, ne s provođenja određenih odluka
- Nisam ja slučajno predlagao zabranu saobraćaja u Gradskoj ulici u vrijeme ljetnog razdoblja
- Mi smo dozvolili počevši od „Konzuma“ pa gore više „Prijića“ da se uzurpiraju nogostupi sa obe strane, ko će biti odgovoran ako se nekome nešto desi

G. Batinić -predsjednik OV-a

- Predlažem stanku od deset minuta i pozivam predsjednike klubova na konsultacije

( *Stanka od 13<sup>15</sup>- 13<sup>27</sup>* )

S. Čaušević -Općinski načelnik

- Sukladno diskusijama koje smo danas imali, želim da kažem da ovaj dokument nije „betoniran proces“, ovo se može mijenjati, može se dopunjavati
- Svima Vam je poznato da se ide u rekonstrukciju „Gradske“ i svih sporednih ulica, sa lijeve i desne strane ulica
- Predložio bih da ovaj Plan ostane ovakav kakav jest bez nekih suštinskih izmjena, da bi ga građani mogli koristiti na način da se ne dozvoli uzurpacija parkirnih saobraćajnica. Služba koja će izdavati odobrenja treba da se drži zakonskih propisa, ne treba se dozvoliti bilo kakva uzurpacija javnih površina
- Prihvaćam da ovdje ima formalno-pravnih propusta, prihvaćamo sugestije koje je dala povjerenstvo za Statut i propise i u tom domenu mi ćemo donijeti detaljniji Plan korištenja javnih površina

*Prijedlog Plana korištenja javnih površina na području Općine Gornji Vakuf-Uskoplje usvojen sa većinom glasova ( 18 „za“ , 3 „vijećnika se nisu izjasnila“ )*

## Ad. 9.

### Akti imovinsko pravne službe;

- a) Prijedlog Odluke o prodaji nekretnina označenih kao k.č. 1493/23 i k.č. 1493/24 k.o. SP\_Gornji Vakuf**

O. Sofić -ispred predlagatelja

- Dao je kratko obrazloženje prijedloga Odluke o prodaji nekretnina označenih kao k.č. 1493/23 i k.č. 1493/24 k.o. SP\_Gornji Vakuf

Diskusije:-

*Prijedlog Odluke o prodaji nekretnina označenih kao k.č. 1493/23 i k.č. 1493/24 k.o. SP\_Gornji Vakuf usvojen sa većinom glasova ( 18 „za“ , 3 „vijećnika se nisu izjasnila“ )*

**b) Prijedlog Odluke o utvrđivanju javnog interesa za potpuno izvlaštenje dijela nekretnina označenih kao k.č. 1792/1, k.č. 1792/2 k.o. SP\_Gornji Vakuf.**

O. Sofić -ispred predlagatelja

- Dao je kratko obrazloženje prijedloga Odluke o utvrđivanju javnog interesa za potpuno izvlaštenje dijela nekretnina označenih kao k.č. 1792/1, k.č. 1792/2 k.o. SP\_Gornji Vakuf.
- U članku 2. stoji;...*izgradnja separatora i prečistaća otpadnih voda...*a treba;... *izgradnja separatora i prečistaća za oborinske vode...*

Diskusije:

J. Herceg -povjerenstvo za Statut i propise

- U preambuli; iza članka 25/12.... treba dodati i...*34/14* ....

*Prijedlog Odluke o utvrđivanju javnog interesa za potpuno izvlaštenje dijela nekretnina označenih kao k.č. 1792/1, k.č. 1792/2 k.o. SP\_Gornji Vakuf uz gore navedenu dopunu usvojen sa većinom glasova ( 18 „za“ , 3 „vijećnika se nisu izjasnila“ )*

*Sjednica završena u 13<sup>40</sup> sati.*

ZAPISNIČAR

Hidajet Redžić

PREDSJEDNIK  
OPĆINSKOG VIJEĆA

Goran Batinić, mag.nov.